



Broj: 07-07-20-28966/25
Sarajevo, 26.05.2025. godine

Na osnovu člana 70. Zakona o organizaciji organa uprave u Federaciji BiH („Službene novine Federacije BiH“, broj 35/05) i Odluke Vlade Kantona Sarajevo o usvajanju Programa uređenja poljoprivrednog zemljišta na području Kantona Sarajevo za 2025. godinu broj: 02-04-20294-25/25 od 08.05.2025. godine, Ministarstvo privrede Kantona Sarajevo objavljuje

JAVNI POZIV

za dodjelu sredstava iz Budžeta Kantona Sarajevo za 2025. godinu sa pozicije Ministarstva privrede za projekte uređenja poljoprivrednog zemljišta na području Kantona Sarajevo za 2025. godinu

1. Predmet Javnog poziva

Dodjela finansijskih sredstava odabranim kandidatima putem ovog javnog poziva iz Budžeta Kantona Sarajevo za 2025. godinu sa pozicije Ministarstva privrede za projekte uređenja poljoprivrednog zemljišta na području Kantona Sarajevo za 2025. godinu.

Ukupan iznos raspoloživih sredstava po ovom javnom pozivu iznosi 318.507,00 KM.

2. Pravo učešća na Javnom pozivu

Pravo učešća po ovom javnom pozivu imaju fizička i pravna lica.

3. Pravo na dodjelu sredstava

Pravo na dodjelu sredstava po Javnom pozivu imaju kandidati koji ispunjavaju uslove Javnog poziva.

4. Uslovi Javnog poziva

Pravna lica i obrtnici koji se prijave na Javni poziv moraju ispunjavati slijedeće uslove:

- da su upisani u Registar poljoprivrednih gazdinstava, odnosno Registar klijenata u skladu sa odredbama Zakona o poljoprivredi (“Službene novine Federacije BiH”, br. 88/07, 4/10, 7/13 i 82/21)
- da imaju sjedište na području Kantona Sarajevo;
- da uredno ispunjavaju obaveze plaćanja poreza i doprinosa;
- da su vlasnici zemljišnih parcela – poljoprivrednog zemljišta koje je predmet projekta uređenja, da se poljoprivredno zemljište nalazi na području Kantona Sarajevo i da se prema katastarskim podacima smatra poljoprivrednim zemljištem, te da se u Prostornom planu Kantona Sarajevo za period 2003-2023. godina isto nalazi u zoni namjene poljoprivrednog zemljišta;
- da zemljišne parcele – poljoprivredno zemljište koje je predmet projekta uređenja nije pod nagibom koji bi izazvao eroziju,

- da za predmetne zemljišne parcele – poljoprivredno zemljište u prethodnom periodu nije ostvareno pravo na novčana sredstva za uređenje poljoprivrednog zemljišta;
- da je površina poljoprivrednog zemljišta koje je predmet projekta uređenja od 0,5 ha do 5,0 ha, s tim da ukoliko se radi o većem broju zemljišnih parcela minimalna površina jedne zemljišne parcele ne može biti ispod 0,2 ha.

Fizička lica koja se prijave na Javni poziv moraju ispunjavati slijedeće uslove:

- da su upisani u Registar poljoprivrednih gazdinstava, odnosno Registar klijenata u skladu sa odredbama Zakona o poljoprivredi (“Službene novine Federacije BiH”, br. 88/07, 4/10, 7/13 i 82/21)
- da imaju prebivalište na području Kantona Sarajevo;
- da su vlasnici zemljišnih parcela – poljoprivrednog zemljišta koje je predmet projekta uređenja, da se poljoprivredno zemljište nalazi na području Kantona Sarajevo i da se prema katastarskim podacima smatra poljoprivrednim zemljištem, te da se u Prostornom planu Kantona Sarajevo za period 2003.-2023. godina isto nalazi u zoni namjene poljoprivrednog zemljišta;
- da zemljišne parcele – poljoprivredno zemljište koje je predmet projekta uređenja nije pod nagibom koji bi izazvao eroziju,
- da za predmetne zemljišne parcele – poljoprivredno zemljište u prethodnom periodu nije ostvareno pravo na novčana sredstva za uređenje poljoprivrednog zemljišta;
- da je površina poljoprivrednog zemljišta koje je predmet projekta uređenja od 0,5 ha do 5,0 ha, s tim da ukoliko se radi o većem broju zemljišnih parcela minimalna površina jedne zemljišne parcele ne može biti ispod 0,2 ha.

5. Potrebna dokumentacija

Uz prijavu na Javni poziv kandidati (**pravna lica i obrtnici**) su dužni dostaviti slijedeću dokumentaciju:

- a) Projekat uređenja poljoprivrednog zemljišta izrađen u skladu sa tačkom 6. ovog javnog poziva;
- b) Potvrdu o upisu u Registar poljoprivrednih gazdinstava odnosno Potvrdu o upisu u Registar klijenata, ne stariju od tri mjeseca od dana podnošenja prijave;
- c) Aktuelni izvod iz sudskog registra, ne stariji od 3 mjeseca od dana podnošenja prijave (pravna lica), odnosno izvod iz obrtnog registra koji vodi organ nadležan za izdavanje obrtnice (obrtnici) ne stariji od 3 mjeseca od dana podnošenja prijave;
- d) Zemljišnoknjižni izvadak i kopiju katastarskog plana za predmetno poljoprivredno zemljište, ne stariji od 3 mjeseca od dana podnošenja prijave;
- e) Izvod iz Prostornog plana Kantona Sarajevo za period 2003.-2023. godina za predmetno zemljište (u koloru);
- f) Uvjerenje o urednom izmirenju direktnih poreza, doprinosa za penziono i invalidsko osiguranje i doprinosa za zdravstveno osiguranje izdato od Porezne uprave Federacije BiH, ne starije od 3 mjeseca od dana podnošenja prijave;
- g) Uvjerenje o urednom izmirenju indirektnih poreza, izdato od Uprave za indirektno-neizravno oporezivanje (ukoliko je u sistemu PDV-a u skladu sa Zakonom o porezu na dodanu vrijednost, a ako nije u sistemu PDV-a uvjerenje/potvrdu izdato od Uprave za indirektno-neizravno oporezivanje da nije u sistemu PDV-a), ne starije od 3 mjeseca od dana podnošenja prijave.

Dokumenti se prilažu u originalu ili ovjerenoj kopiji.

Uz prijavu na Javni poziv kandidati (**fizička lica**) su dužni dostaviti slijedeću dokumentaciju:

- a) Projekat uređenja poljoprivrednog zemljišta izrađen u skladu sa tačkom 6. ovog javnog poziva;
- b) Potvrdu o upisu u Registar poljoprivrednih gazdinstava odnosno Potvrdu o upisu u Registar klijenata, ne stariju od tri mjeseca od dana podnošenja prijave;
- c) CIPS prijavu prebivališta iz tekuće godine;
- d) zemljišnoknjižni izvadak i kopiju katastarskog plana za predmetno poljoprivredno zemljište, ne stariji od 3 mjeseca od dana podnošenja prijave;
- e) Izvod iz Prostornog plana Kantona Sarajevo za period 2003.-2023. godina za predmetno zemljište (u koloru).

Dokumenti se prilažu u originalu ili ovjerenoj kopiji.

6. Projekat uređenja poljoprivrednog zemljišta

Projekat uređenja poljoprivrednog zemljišta mora biti izrađen i ovjeren od strane registriranog pravnog lica iz oblasti poljoprivrede.

Na Javni poziv kandidati mogu podnijeti najviše jedan projekat uređenja poljoprivrednog zemljišta.

Projekat uređenja poljoprivrednog zemljišta mora da sadrži: dokaz da je izrađivač projekta pravno lice registrovano iz oblasti poljoprivrede, dokumentaciju o vlasniku poljoprivrednog zemljišta, opće karakteristike i stanje poljoprivrednog zemljišta, projektno rješenje za poboljšanje kvaliteta poljoprivrednog zemljišta (tehničko uređenje terena), hidrotehnički radovi, agrotehnički radovi, prijedlog kulture kojom će se po uređenju zasijati predmetno zemljište, rokovi izvođenja pojedinih faza radova, predmjer, predračun.

Projekat uređenja poljoprivrednog zemljišta mora biti izrađen na temelju analize plodnosti zemljišta izvršene od strane Federalnog zavoda za agropedologiju, te analiza zemljišta mora biti sastavni dio projekta.

Projekat sa mjerama uređenja poljoprivrednog zemljišta podrazumijevaju slijedeće mjere uređenja:

- a) *krčenje* – uklanjanje pojedinačnih stabala, niskog rastinja i žbunja sa zapuštenih parcela;
- b) *čišćenje* – uklanjanje svih materija i otpada od drveta, kamena, plastike, korova, ako je isti odložen na poljoprivrednoj površini;
- c) *ravnanje i niveliranje terena* – uklanjanje izbočina i mikrod depresija (prirodne ili vještačke);
- d) *produbljivanje oraničnog sloja* – produbljivanje plodnog sloja zemljišta oranjem ili rigolanjem, a potom da se isto isfreza ili istanjira,
- e) *odvodnja drenažom ili otvorenim kanalima* – obuhvata mjere, objekte i uređaje za regulisanje i očuvanje vodnog režima tla, odvodnjom površinskih i podzemnih voda. Sistem za odvodnju sastavljen od uređaja za odvodnju (stanice, crpke, objekti i dr.), kanala za oticanje vode, odvodne mreže (primarna, sekundarna, tercijarna) drenaža.
- f) *humizacija* – unos meliorativnih količina organskog đubriva (stajsko đubrivo);
- g) *mineralizacija* – unos meliorativnih količina đubriva (mineralna umjetna đubriva);
- h) *kalcizacija (zavisno od pH vrijednosti)* – unošenje meliorativnih količina kalcijum karbonata (CaCO_3) u zemljište;
- i) *gipsovanje (zavisno od pH vrijednosti)* - unošenje meliorativnih količina kalcijev sultaf dihidrata ($\text{CaSO}_4 \times 2\text{H}_2\text{O}$) u zemljište;

Projektom moraju biti navedene minimalno 4 (četiri) mjere uređenja poljoprivrednog zemljišta.

Sve mjere uređenja poljoprivrednog zemljišta predviđene projektom moraju se realizirati.

Za provođenje navedenih mjera uređenja poljoprivrednog zemljišta, **odabranim kandidatima će se odobriti novčana sredstva** kako slijedi:

- za krčenje i čišćenje iznos do 2.500,00 KM/ha,
- za ravnanje i niveliranje terena iznos do 1.250,00 KM/ha,
- za produbljivanje oraničnog sloja iznos do 1.500,00 KM/ha,
- za odvodnju drenažom ili otvorenim kanalima iznos do 2.500,00 KM/ha.
- za humizaciju (stajsko đubrivo) iznos do 1.500,00 KM/ha,
- za mineralizaciju, mineralno đubrivo iznos do 1.500,00 KM/ha
- za kalcizaciju iznos do 1.000,00 KM/ha,
- za gipsovanje iznos do 1.000,00 KM/ha.

7. Rok za podnošenje prijava i način podnošenja prijava

Rok za dostavu prijava sa potrebnom dokumentacijom, izuzev Projekta uređenja poljoprivrednog zemljišta, iznosi 15 dana od dana objavljivanja Javnog poziva u dnevnim novinama i na web stranici Ministarstva privrede Kantona Sarajevo <http://mp.ks.gov.ba>

Podnosilac prijave Projekat uređenja poljoprivrednog zemljišta mora dostaviti u roku od 45 dana od dana objave Javnog poziva u dnevnim novinama i na web stranici Ministarstva privrede Kantona Sarajevo <http://mp.ks.gov.ba>

Prijave na Javni poziv sa potrebnom dokumentacijom podnose se isključivo na centralni protokol Kantona Sarajevo, u zatvorenoj koverti, sa naznakom:

**Kanton Sarajevo
Ministarstvo privrede
Reisa Džemaludina Čauševića 1
71 000 Sarajevo**

***“Prijava po Javnom pozivu za dodjelu sredstava za projekte uređenja poljoprivrednog zemljišta na području Kantona Sarajevo”
- NE OTVARATI -***

8. Pravo prvenstva na dodjelu sredstava

Kandidati čije su prijave uredne (sadrže potrebnu dokumentaciju) ostvaruju pravo prvenstva na dodjelu sredstava prema kriterijima koji su utvrđeni i primjenjuju se slijedećim redoslijedom (sukcesivno):

1. broj predviđenih mjera za uređenje poljoprivrednog zemljišta (prednost imaju kandidati kod kojih je Projektom za uređenje poljoprivrednog zemljišta obuhvaćen veći broj mjera uređenja);
2. veličina poljoprivrednog zemljišta koje se uređuje (prednost imaju kandidati kod kojih je površina poljoprivrednog zemljišta koje se uređuje veća);
3. veličina poljoprivrednog zemljišta koje čini jednu/nedjeljivu cjelinu (prednost imaju kandidati kod kojih je površina poljoprivrednog zemljišta koje čini jednu/nedjeljivu cjelinu veća).

9. Ostalo

Odluku o odabiru i odobravanju novčanih sredstava kandidatima donijet će ministar privrede Kantona Sarajevo i ista će se objaviti na web stranici ovog ministarstva.

Sa odabranim kandidatima ovo ministarstvo će potpisati pojedinačne ugovore.

Kandidatima koji ne budu ispunjavali uslove iz ovog javnog poziva dostavit će se obavijest sa obrazloženjem.

Kontakt telefon za dodatne informacije je 033 562 141 ili neposredno u prostorijama Ministarstva privrede, Reisa Džemaludina Čauševića 1, Sarajevo, III sprat, soba 323.

MINISTAR

Zlatko Mijatović